

佛說陀鄰尼鉢經

東晉西康沙門竺曇無蘭譯

聞如是一時佛在舍衛國祇樹給孤獨園與大比丘衆千二百五十人菩薩萬人俱余時去是佛刹百千億拘利佛刹過尔所佛土其

刹世界名阿難陀拘蠶晉言華積彼佛号伊迦波提羅耶晉言最上天王如來至真等正覺今現在遣兩菩薩一名阿弥陀法晉言無量光明二名摩訶法晉言大光明尔時二菩薩來到佛所前以頭面禮佛足長跪叉手白佛言世尊從是間過百千億拘利佛刹世界名曰華積彼佛号最上天王如來至真等正覺今現在遣我來問訊世尊說法安隱受者增進皆無他不得不為天龍夜叉鬼神若薛荔若鳩洹鬼神若羅刹鬼神若虎若狼若人非人所燒害彼世如來至真等正覺今遣我持陀鄰尼鉢來今為一切故欲令安隱得名

聲遠聞色貌端正有氣力有筋力強如是
閻離 摩訶閻離 閻蘭尼 郁倚目企
三波提 摩訶三波提

是時佛告阿難陀言汝受是陀鄰尼鉢持諷讀誦有佛世尊甚難得值陀鄰尼鉢亦難得聞若善男子善女人受持誦讀識七世生宿

命若善男子善女人受持諷誦讀一切鬼神人非人蛇蠍蝮蝎皆不能害毒不能中蠱道爲不行不爲刀兵所傷害帝王不能得其便梵不恚之如是阿難陀是陀鄰尼鉢七十七億諸佛所說若有中害者是諸佛語爲無有異阿逸多菩薩字彌勒語賢者阿難陀言我亦當復說陀鄰尼鉢所以者何亦欲令一切安隱有名聲德遠聞色貌端正饒氣力其筋力強如是

頸鞞 拔鞞 減支夜叉 勒支 羅歲彌漏嵐彌 蘭離 弥離 提離

爾時佛告阿難陀言汝受是陀鄰尼鉢持諷

誦讀有佛世尊甚難得值是陁鄰尼鉢亦難得聞若善男子善女人受是陁鄰尼鉢奉持調誦讀識十四生宿命若善男子善女人奉持陁鄰尼鉢調誦說終不爲一切鬼神人非人所觸燒地蠍蝮蛇諸含毒之蟲所不能害毒不能中蠱道爲不行刀兵不能傷帝王

不能得其便梵釋四天王所共擁護阿難陁是陁隣尼鉢八萬四千億佛所說佛告阿難陁言我亦復欲說陁鄰尼鉢欲令一切安隱有名聲德遠聞色貌端正饒氣力其勸力強如是

頰鞞 拔鞞 涅鞞 塉涅鞞 鐵離 抄

羅波提 安那波提 般那波提 迎前尼

摩訶迦前尼

余時佛告賢者阿難陁言受是陁隣尼鉢持調誦讀爲一切廣說若善男子善女人受是陁鄰尼鉢持調誦讀識無央數生宿命是陁隣尼鉢阿難陁不可稱計億佛所說如是阿

難陁是陁鄰尼鉢若行道若爲賊若爲虎狼若水中若犯帝王縣官事當念是陁鄰尼鉢調誦讀持是陁鄰尼鉢阿難陁繫着枯樹即便生葉華實何況爲人說病不愈當爲一切病人呪佛說經已賢者阿難陁及諸會者皆歡喜受行

十三

陁鄰尼鉢經

過七